

SLUŽBENI GLASNIK NOGOMETNOG SAVEZA FEDERACIJE BiH



## NOGOMET U FEDERACIJI BiH



### SADRŽAJ

- ODLUKA KOMISIJE ZA TAKMIČENJE/NATJECANJE NS FBiH

Broj: 737/18  
Sarajevo: 24.05.2018.

Shodno članu 73. stav 1. Pravilnika o nogometnim natjecanjima NS/FS BiH i člana 38. Propozicija natjecanja Prve lige Federacije BiH za takmičarsku sezonu 2017/2018, Komisija za natjecanje NS FBiH na sjednici održanoj 24.05.2018. godine u Sarajevu donosi s l j e d e ć u:

### **ODLUKU**

1. Usvaja se žalba NK „JEDINSTVO“ Bihać 205-08-2018 na utakmicu 26. kola Prve lige Federacije BiH: NK „Travnik“ – NK „Jedinstvo“ igrane 12.05.2018. godine.
2. Utakmica 26. kola Prve lige Federacije BiH: NK „Travnik“ – NK „Jedinstvo“ shodno članu 76. tačka 2. Pravilnika o nogometnim natjecanjima NS/FS BiH, a vezano za član 32. stav 3. Pravilnika o registraciji, statusu i transferu igrača NS/FS BiH, registrira se službenim rezultatom 0:3 (p.f.) u korist NK „Jedinstvo“ Bihać.
3. Podnosi se prijava za pokretanje disciplinskog postupka protiv NK „Travnik“ te Nogometnog saveza Srednjobosanskog kantona/Kantona Središnja Bosna zbog kršenja odredbi Pravilnika o o registraciji, statusu i transferu igrača NS/FS BiH.

### **O b r a z l o ž e n j e**

Nogometni klub „Jedinstvo“ Bihać dana 14.05.2018. godine dostavio je žalbu na utakmicu 26. kola Prve lige FBiH: NK „Travnik“ – NK „Jedinstvo“ Bihać (6:0) igrane 12.05.2018. godine u Travniku.

Žalba NK „Jedinstvo“ Bihać odnosi se na prekobrajan nastup ustupljenih igrača na navedenoj utakmici.

U žalbi i dopuni žalbe NK „Jedinstvo“ Bihać navodi kako je NK „Travnik“ u takmičarskoj sezoni 2017/2018 po osnovu ustupanja registrirao sedam igrača iako član 32. stav 3. Pravilnika o registraciji, statusu i transferu igrača NS/FS propisuje da klub u toku takmičarske sezone po osnovu ustupanja može registrovati najviše četiri igrača, s tim što najviše tri mogu nastupiti na jednoj utakmici.

NK „Jedinstvo“ u obrazloženju i dopuni žalbe navodi kako je NK „Travnik“ po osnovu ustupanja registrirao sljedeće igrače: Fočo Admir, Muharemović Mak, Lalović Milan, Kolak Vasilije, Jurković Dino, Mujagić Ajdin i Šabanović Emrad.

Također, žalilac u žalbi navodi kako su na utakmici 26. kola Prve lige FBiH: NK „Travnik“ – NK „Jedinstvo“ nastupila tri igrača i to: Kolak Vasilije, Jurković Dino i Mujagić Ajdin.

Komisija za natjecanje NS FBiH na sjednici održanoj 24.05.2018. godine razmatrala je cjelokupan spis predmeta i to: žalbu NK „Jedinstvo“, dopunu žalbe NK „Jedinstvo“, spisak svih registriranih igrača NK „Travnik“ u takmičarskoj sezoni 2017/2018, zapisnik sa utakmice 26. kola Prve lige FBiH: NK „Travnik“ – NK „Jedinstvo“, Pravilnik o registraciji, statusu i transferu igrača NS/FS BiH te Pravilnik o nogometnim natjecanjima NS/FS BiH.

Komisija je utvrdila kako je žalba NK „Jedinstvo“ Bihać dopuštena, blagovremena i taksirana.

Nadalje, uvidom u cjelokupnu dokumentaciju Komisija za natjecanje NS FBiH nesporno je utvrdila kako NK „Travnik“ trenutno po osnovu sporazuma o ustupanju ima četiri registrirana igrača i to: Mujagić Ajdina – ustupljen iz FK „Željezničar“ Sarajevo do 30.06.2018. godine, Kolak Vasilija – ustupljen iz FK „Zvijezda 09“ Bijeljina 13.06.2018. godine, Jurković Dinu – ustupljen iz NK „Čelik“

Zenica do 30.06.2018. godine te Šabanović Emrada – ustupljen iz NK „Čelik“ Zenica do 30.06.2018. godine.

Također, ova Komisija je utvrdila da su prethodno navedeni igrači bili upisani u zapisnik sa utakmice 26. kola Prve lige FBiH: NK „Travnik“ – NK „Jedinstvo“ Bihać, od kojih su tri nastupila na navedenoj utakmici.

Nadalje, Komisija za natjecanje NS FBiH uvidom u spisak svih registriranih igrača NK „Travnik“ u takmičarskoj sezoni 2017/2018 utvrdila je kako je NK „Travnik“ u prvom dijelu takmičarske sezone 2017/2018 po osnovu sporazuma o ustupanju registrirao tri igrača i to: Fočo Admira – ustupljen iz FK „Olimpik“ Sarajevo od 19.07.2017. do 31.12.2017. godine, Muharemović Maka – ustupljen iz FK „Olimpik“ od 19.07.2017. do 31.12.2017. godine te Lalović Milana – ustupljen iz FK „Olimpik“ Sarajevo od 21.07.2017. do 31.12.2017. godine, a svi su nastupali za NK „Travnik“ u toku takmičarske sezone 2017/2018.

Imajući u vidu navedeno Komisija za natjecanje NS FBiH utvrdila je kako je NK „Travnik“ u takmičarskoj sezoni 2017/2018 po osnovu sporazuma o ustupanju registrirao sedam igrača, čime je stekao takmičarsku prednost u odnosu na druge klubove i čime je prekršio odredbe člana 32. stav 3. Pravilnika o registraciji, statusu i transferu igrača NS/FS BiH jer su prethodno za taj klub bili registrirani Fočo Admir, Muharemović Mak i Lalović Milan kao i Šabanović Emrad, a svi su prethodno nastupali za NK „Travnik“ u toku sezone 2017/2018.

Također, Komisija je utvrdila kako su igrači Mujagić Ajdin, Jurković Dino i Kolak Vasilije, koji su nastupili na utakmici 26. kola Prve lige FBiH, za NK „Travnik“ registrirani nepravilnom primjenom propisa o registraciji igrača.

S tim u vezi, Komisija za natjecanje NS FBiH nesporno je utvrdila da su NK „Travnik“ kao i nadležni organ za registraciju igrača u NS SBK/KSB prekršili član 32. Pravilnika o registraciji, statusu i transferu igrača NS/FS BiH, te je na osnovu člana 76. Pravilnika o nogometnim natjecanjima NS/FS BiH donijela odluku kao u dispozitivu.

Cjelokupan spis predmeta vezano za navedenu utakmicu predaje se Disciplinskoj komisiji NS FBiH na dalje postupanje.

*PRAVNA POUKA: Protiv ove odluke nezadovoljna strana, uz uplatu propisane takse u iznosu od 800 KM, može u roku od tri (3) dana od dana prijema prvostepene odluke uložiti žalbu Apelacionoj komisiji NS FBiH.*

PREDSJEDNIK  
KOMISIJE ZA NATJECANJE  
Mišković Dubravko